

Donostia, 2018ko urtarrilaren 19a

ULIA MENDIARI BURUZKO KONTROL MOZIOA

Loïc Alejandrok, Irabazi Donostia udal taldeko zinegotziak, Udalbatzaren Araudi Organikoaren 98. artikuluekin bat etorritz, KONTROL MOZIO hau aurkezten du, hilabete honetako Gune Publikoen Batzordean Ulia mendian egin diren ekintzei buruz eginiko interpelazioaren ondorioz.

JUSTIFIKAZIOA

Denbora daramagu Ulia mendiarekin lotutako hainbat ekintzari buruz hizketan: dagokion Plan Bereziaren izapidetzeari buruzko galderak eta interpelazioak; gune horretako legez kanpoko isuriekin lotutako salaketak; bideen irekiera... Eta ekintza horiek ez datoz bat Natura 2000 Sarean dagoen eta Garrantzi Komunitarioko Lekutzat (GKL) jotzen den mendi honek izan beharko lukeenarekin.

Aurreko batean, interpelazio bat aurkeztu genuen “itsasertzeko bidea” izenekoan sasiak kentzeko eginiko lanei buruz; izan ere, itsaslabarretan zehar doan bide horrek zailtasunak ditu zati askotan, eta ez dago Udalaren bideen katalogoan sartuta. Une hartan, gobernuak onartu zuen sasiak kentzeko lan hori ez zela egokia izan eta ez zela berriro egingo, eta bide hori sustatzen eta erabiltzen duten kolektiboei adieraziko zitzaiela bide hori ez dela ofiziala eta ahalik eta modu naturalenean mantentzea komeni dela. Ez dakigu adierazpen hori egin zen ala ez, baina, hala bada, ez da eraginkorra izan, hilabete honetan berriro interpelatu behar izan baitugu bide horretan egin den beste jarduketa bati buruz: pintura zuriarekin markatu da.

Batzordean, Gobernuak azaldu zuen ez zela baimenik eman marka horiek egiteko eta ezin dela horretarako baimenik eman. Gainera, esan zuen zaila zela horiek ezabatzea baina saiatuko zirela horretan. Badaude horrelako markak ezabatzeko irtenbide teknikoak, eta ezinbestekoa iruditzen zaigu horiek ezabatzea, Ulia dabilen jendeak ez dezan pentsatu bide hori ofiziala denik (marketako batean, gainera, “itsasbazterra” hitza jartzen du).

Bestalde, Mountain Bike-en (MTB) proba moduko bat egin zen, eta pintaketak egin zituzten zuhaitzetan nondik joan adierazteko. Ibilbideko zati asko bideetatik kanpo zeuden, eta horrek eragina du inguruko faunan eta floran.

Hori dela eta, lehen adierazitako markak ere kontuan hartuz, galdetu genuen ea ekintza horiek egin dituzten pertsonak bilatuko diren dagozkien zehapenak jartzeko. Gobernuak adierazi zuen Uliamendian ibiltzen diren kolektiboekin hitz egin daitekeela berriro, gune horretan zer ezin den egin gogorarazteko, baina esan zuen ekintza horien egileak bilatzea oso zaila izango litzatekeela.

Nolanahi ere, informazioa aurki daiteke Interneten:

- <https://www.youtube.com/watch?v=uOQvPeTd73Q> <https://www.youtube.com/watch?v=-0-ARRFPPTo> (MTB ibilbide batzuk. Hor ikusten da zati batzuk bideetatik kanpo daudela).
- <https://es.wikiloc.com/wikiloc/find.do?q=ulia+litoral+acantilados> (Itsasertzeko bideko GPS planoen zerrenda).
- <https://is.gd/3mLCH1> (Uliako orientazio proba bateko balizatzea).
- <http://www.restauranteizkina.com/es/restaurante-pasaia-acantilados.html> (aurreko marka zuriaren egilea zein den adierazten duen orria).

Uste dugu Gobernuak esku hartu behar duela, Uliamendian ez dadin burutu gune babestu honi kalte egin diezaiokien kontrolik gabeko ekintzarik.

Hori guztia dela eta, KONTROL MOZIO hau aurkezten dugu:

KONTROL MOZIOA

1. Donostiako Udaltzako udal gobernuari eskatzen dio Udaltzaingoari eska diezaiola ofizioz iker dezala nork egin dituen “itsasertzeko bidea” izenekoan dauden marka zuriak eta “mountain bike” ibilbidean aitortutako bideetatik kanpoko zuhaitzetan eginiko markak, pertsona horiei dagozkien zehapenak aplikatu ahal izateko.

2. Donostiako Udalbatzak udal gobernuari eskatzen dio, egileak aurkitu ezean, ezabatu ditzala Ulia mendiko "itsasertzeko bidea" izenekoan dauden marka zuriak eta MTB probako zuhaitzetan dauden markak, eta egileak aurkituz gero haiek ezabatu ditzatela eskatzeko.
3. Donostiako Udalbatzak udal gobernuari eskatzen dio idatziz adierazi diezaiela Ulia mendian jarduerak egiten dituzten kolektiboak (elkarteak, klubak, enpresak, federazioak...) zein erabilera edo ekintza dauden baimenduta eta zein ez mendi horretan.
4. Donostiako Udalbatzak udal gobernuari eskatzen dio herritar guztientzako kanpaina bat egin dezala Ulia mendiaren garrantzia azpimarratzeko eta gogorarazteko gunehori arduraz erabili beharra dagoela, kalterik eragin gabe, etorkizuneko belaunaldiak gunehorretaz gozatu ahal izan dezaten.

Sin.: Loïc Alejandro,
Irabazi Donostia taldeko zinegotzia.